

НА ГОСПОДИ ВОЗЗВАХ, ГЛАС 2:

Господи, воззвах к Тебе услыши мя,/ услыши мя, Гóсподи./
Гóсподи, воззвах к Тебе услыши мя,/ вонми гласу молéния моего,/
внегда воззвáти ми к Тебé, // услыши мя, Гóсподи.

Да исправится молíтва моя,/ яко кадило пред Тобóю,/ возде́яние
руку мою, / жертва вечерняя, // услыши мя, Гóсподи.

Чтец: (может не читаться)

Положи, Господи, хранение устóм моим / и дверь ограждения о уст-
нéх мо́их.

Не уклони сердце мое в слова лука́вствия, / нещевати вины́ о
гресéх.

С человеки делающими беззакóние, / и не сочтýся со избрáнными
íх.

Накажет мя праведник милостию и обличíт мя: / елей же грешнаго
да не нама́стит главы́ моея.

Яко еще и молитва моя во благоволéниях íх, / пожéрты быша при
ка́мени судий íх.

Услышатся глаголи мои, яко возмогóша: / яко толща земли про-
сéдеса на земли, расточíшася кости их при áде.

Яко к Тебе, Господи, Господи, óчи мои, / на Тя уповах, не отыми
дúшу мою.

Сохрани мя от сети, юже состáвиша ми, / и от соблазн делающих
беззакóние.

Падут во мрежу свою грéшницы: / един есмь аз, дóндеже прейдú.

Глáсом моим ко Гóсподу воззвáх, / гласом моим ко Господу по-
моли́хся.

Пролию пред Ним молéние мое, / печаль мою пред Нíм возвещú.

Внегда исчезати от мене дúху моему, / и Ты познал еси стезí мою.

На пути сем, по немуже хождáх,/ скрыша сѣть менé.

Смотрях одесную и възгáдах,/ и не бе знáяй менé.

Погибе бѣгство от менé,/ и несть възыскай дúшу мою.

Воззвах к Тебе, Гóсподи, рéх:/ Ты еси упование мое, часть моя еси на земли живы́х.

Вонми молению моему, яко смири́хся зело:/ избави мя от гонящих мя, яко укрепишася пáче менé.

СТИХИРЫ ОКТОИХА КРЕСТНЫ, ГЛАС 2

подобен: "Егда от древа..."

1. Стих: Изведи из темницы дúшу мою,/ исповедатися íмене Твоему.

Светíti светíла не терпяще омрачíшася,/ на Кресте зашедшу Тебе, Слóве:/ земля же подвизáшеся,/ и кáмение разседáшеся,/ церкóвное благолѣние раздира́шеся посреде́,/ грóбы отверзáхуся, мёртвые востая́ху,/ ад изда́ше вся сúщия дóлу,/ бѣси побеждáхуся, // и сон всем вменя́шеся смерть.

2. Стих: Мене ждут праведницы,/ дондеже въздáси мне.

Егда плодови́тый Тя Христе виноград,/ разбойник благоднравный введев,/ лучший бысть разбойник благоискúсен,/ и укра́дает прощение древних согрешéний,/ зело́ благоестѣственне мáлым глáсом:/ томú ревнители бы́ти потщíмся, // ёже помяни и нас, Человеколюбче, вси зовúще.

3. Стих: Из глубины воззвах к Тебе, Гóсподи,/ Господи, услыши глáс мой.

Сияет яко звезда на небеси,/ в церкви Божественный воистину Крест Твой Христе,/ опалéя убо бѣсы,/ верныя же просвещáя,/ и посрамляя лица Тебé распéнных: имже прародители древом воображающим Крестá,/ прежде от работы извёл еси,/ и от камене медссати в пустыни // сотворил еси.

4. Стих: Да будут úши Твои́/ внимлюще гласу молéния моего́.

Спасе, на кресте пригвоздився,/ солнце помрачися от от страха Твоего,/ и завеса церковная раздрася:/ земля же потрясися,/ и ка́мение такожде трепетом распадóшася,/ зрети не терпящее Зиждителя своего и Бога,/ на древе стра́ждуща непра́ведна волею, // и от беззаконник досаждаема.

ЗДЕСЬ ГЛАГОЛЮТСЯ 3 СТИХИРЫ ТРИОДИ.

Слава и ныне: глас и подобен тойже.

Егда́ Нескверная Агница виде своего Агнца,/ на заклание яко человека волею влекóма,/ плачуще глаго́лаше:/ безчадствовати Мя ныне тщишия Христе, рóждшую Тя./ Что сие сотворил еси, Избавителю вся́ческих;/ обаче воспеваю и славлю Твою, юже паче ума и слóва, // крайнюю благодать, Человеколю́бче.

В НЕДЕЛЮ ПЕРВУЮ ВЕЧЕРА,

поставим стихов 10, и глаголем стихиры умилительныя Осмогласника, покаянны 4:

И ТРИОДИ ПОДОБНЫ ГОСПОДИНА ИОСИФА, ГЛАС 4:

Подобен: Дал еси знамение:

5. Стих: Аще беззакония назриши, Господи, Господи, кто́ постои́т;/ яко у Тебе очищение есть.

Даждь ми умилéние,/ и злых отчуждéние,/ и совершéнное исправлéние,/ в страсти телесней ныне погружéному,/ и отдаленному от Тебе Бóже Всецарю́,/ и ниотку́дуже упования имúщу:/ и спаси мя блуднаго за многую блага́дость, // Иисусе Всесильне, Спасе ду́ш наших.

6. Стих: Имене ради Твоего потерпех Тя, Господи, потерпе душа моя в слово Твое,/ упова душа моя на Господа.

Моисей дивный, / постом очищýся, виде желáемаго./ Семý убо поревновавши смиренная душé мо́я,/ потщися в день воздержания от злых очíститися,/ яко да Господа дающаго тебе оставлéние,/ и очищéние и избавлéние, // узриши сущаго благаго и человеколюби́ваго.

Другий кир Феодора, глас 6: Подобен: Архангельский глас:

7. Стих: От стражи утренния до нощи, от стражи утренния, / да уповаеет Израиль на Господа.

Постов ныне двоеседмичие светло начнем, совершающе день от дне братие, колесницу огненну соделавше нам, якоже Илия Фесвитянин, четыре великия добродетели, ум возвысим безстрастием, плоть вооружим чистотою, текуще и побеждающе врага.

ЗАПЕВЫ, АЩЕ ЕСТЬ «СЛАВА» СВЯТОМУ МИНЕИ:

8. Стих: Яко у Господа милость и многое у Него избавление: / и Той избавит Израиля от всех беззаконий его.

9. Стих: Хвалите господа вси языцы, / похвалите его вси людие.

10. Стих: Яко утвердися милость Его на нас, / и истина Господня пребывает во век.

«Слава» святому, или «Слава, и ныне», Богородичен.

Вход. Свете тихий:

Прокимен, глас 8:¹ Дал еси достояние боящимся Тебе Господи.
Стих 1: От конец земли к Тебе воззвах. **Стих 2:** Покрыюся в крове крил Твоих. **Стих 3:** Тако воспою имени Твоему во веки. **И паки:** Дал еси достояние боящимся:

¹ Подобаеет ведати, яко сия два великия прокимены, еже есть: Не отврати лица Твоего: и Дал еси достояние: Со стихами их, един по единому поется чрез весь святыи пост: Начинаем от Недели сырныя, до Недели пятыя поста. И от «Сподоби Господи»: начинаются поклоны.

В НЕДЕЛЮ ВТОРУЮ ВЕЧЕРА,

во светильничное поставим стихов 10: и поем умилительны Осмогласника 4, и трипеснца подобны господина Иосифа. Глас 8, Подобен: Неизчетен:

5. Стих: Аще беззакония назриши, Господи, Господи, кто́ посто́йт;/ яко у Тебе очищение есть.

Безчи́сленная Тí прегрешíв,/ безчи́сленныя муки ожида́ю:/ скрежета зу́бнаго, и пла́ча неутешíмага,/ ге́енны огненныя, и тьмы и та́ртаря,/ Судие пра́веднейший:/ слезы ми́ убо да́руй,/ и́миже обрящу оставле́ние/ и злы́х моих разреше́ние,/ поста́ся и зовы́й Ти:/ Влады́ко Христе́, ущедри мя// за вели́кую и богатую ми́лость.

6. Стих: Имене ради Твоего потерпех Тя, Господи, потерпе душа моя в слово Твое,/ упова душа моя на Господа.

Мене заблуждшаго/ на горах лютых преступлений,/ взыщи Сло́ве, и к Тебе́ воззови́,/ обы́чай лукавыя ума моего далече отгоня́я,/ умерша па́ки оживи́,/ и постом очисти́,/ в пла́че непрестанном вопио́ща и глаго́люща:/ Владыко Христе, ущедри мя// за вели́кую и богатую ми́лость.

Ина стихи́ра господина Феодора, глас тойже. Подобен: Преславное:

7. Стих: От стражи утренния до но́щи, от стражи утренния,/ да уповае́т Израиль на Господа.

Поста наченше седмицу третью, Троицу честную восхвалим вернии, прочее радостно преходяще, плотския же страсти увядивше от душ наших, цветы Божественныя пожнем, венцы исплетше начальнице дней, да вси Христа яко Победителя, венцы носяще воспоем.

ЗАПЕВЫ, АЩЕ ЕСТЬ «СЛАВА» СВЯТОМУ МИНЕИ:

8. Стих: Яко у Господа милость и многое у Него избавление:/ и Той избавит Израиля от всех беззаконий его.

9. Стих: Хвалите господа вси языцы,/ похвалите его вси людие.

10. Стих: Яко утвердися милость Его на нас,/ и истина Господня пребывает во век.

«Слава» святому, или «Слава, и ныне», Богородичен.

Свете Тихий: **По входе, прокимен, глас 8:** Не отврати лица Твоего от отрока Твоего:

В НЕДЕЛЮ ТРЕТЬЮ ВЕЧЕРА,

на Господи воззвах, поставим стихов 10, и поем 4 стихиры Осмогласника умилительны, гласа: и трипеснца 3, подобны господина Иосифа. Глас 8. Подобен: Господи, аще и на судищи:

5. Стих: Аще беззакония назриши, Господи, Господи, кто постоит;/ яко у Тебе очищение есть.

Господи, на Кресте волею простерл еси длани Твоя,/ сему умилением сердца поклонитися и нас сподоби,/ просвещенных добре постом и молитвами,/ и воздержанием и благотворением,// яко Благ и Человеколюбец.

6. Стих: Имене ради Твоего потерпех Тя, Господи, потерпе душа моя в слово Твое,/ упова душа моя на Господа.

Господи, грехов моих множества,/ по множеству очисти щедрот Твоих Всещедре,/ и Крест Твой сподоби чистою душею видети,/ и целовати, в настоящей седмице воздержания,// яко Человеколюбец.

Ина стихира господина Феодора глас 3. Подобен: Велие чудо:

7. Стих: От стражи утренния до нощи, от стражи утренния,/ да уповае Израиль на Господа.

Велие чудо, Древо видится, на немже Христос волею распятся плотию: поклоняется мир, и просвещаемь взывает: о Креста сило, и зримый демоны палит, и воображаемь сих паля является! Ублажаю тя пречистое Древо, почитаю и поклоняюся со страхом, и Бога славлю, тобою даровавшего мне жизнь безконечную.

ЗАПЕВЫ, АЩЕ ЕСТЬ «СЛАВА» СВЯТОМУ МИНЕИ:

- 8. Стих:** Яко у Господа милость и многое у Него избавление:/ и Той избавит Израиля от всех беззаконий его.
- 9. Стих:** Хвалите господа вси языцы,/ похвалите его вси людие.
- 10. Стих:** Яко утвердися милость Его на нас,/ и истина Господня пребывает во век.

Слава, и ныне, **Богородичен. Вход.** Свете тихий:

Прокимен, глас 8: Дал еси достояние боящимся Тебе Господи.
Стих: От конец земли к Тебе воззвах. **Стих:** Покрыюся в крове крил Твоих. **Стих:** Тако воспою имени Твоему.

В НЕДЕЛЮ ЧЕТВЕРТУЮ ВЕЧЕРА,

по предначинательном псалме на Господи воззвах, поставим стихов 10. И поем стихиры умиленные: Осмогласника 4, и трипеснца подобны господина Иосифа. Глас 3. Подобен: Велия Креста:

- 5. Стих:** Аще беззакония назриши, Господи, Господи, кто постоит;/ яко у Тебе очищение есть.

Великия вѣрнии/ во время покажем воздержания труды:/ яко да славу великую получим,/ милостию великаго Бога// избавляем пламене геенскаго.

- 6. Стих:** Имене ради Твоего потерпех Тя, Господи, потерпе душа моя в слово Твое,/ упова душа моя на Господа.

Время пощения ныне преполовивше,/ начало божественнаго жития яве покажем,/ и в конец добродетельнаго жительства/ достигнути тепле потщимся:// яко да примем сладость нестарѣемую.

Иный господина Феодора. Глас 7. Подобен: Под кров Твой:

- 7. Стих:** От стражи утренния до ночи, от стражи утренния,/ да уповае Израиль на Господа.

Преполовивше сей священный пощения путь, к будущему радостию потеем, благотворения елеем души помазавше, яко да сподобимся

Христа Бога нашего, и Божественным страдем поклонитися, предварити и страшное и святое Воскресение.

ЗАПЕВЫ, АЩЕ ЕСТЬ «СЛАВА» СВЯТОМУ МИНЕИ:

8. Стих: Яко у Господа милость и многое у Него избавление:/ и Той избавит Израиля от всех беззаконий его.

9. Стих: Хвалите господа вси языцы,/ похвалите его вси людие.

10. Стих: Яко утвердися милость Его на нас,/ и истина Господня пребывает во век.

Слава, и ныне, Богородичен. Вход.

Прокимен, глас 8: Не отврати лица Твоего:

В НЕДЕЛЮ ПЯТУЮ ВЕЧЕРА,

на Господи воззвах: поставим стихов 10: и поем 4, умилительны гласа Осмогласника:

и трипеснца подобны. Глас 1. Подобен: Прехвальнии мученицы:

5. Стих: Аще беззакония назриши, Господи, Господи, кто постоит;/ яко у Тебе очищение есть.

Обнищав богатый Христé,/ человеки обогатил еси безсмертием и свётлостию./ Тёмже обнищавшаго сластьми жития,/ добродетельми мя обогатí,/ и убо́тому Лázарю сочинí,/ богатаго мя мучения избавляя,// и геенны предлежа́ция мнé.

6. Стих: Имене ради Твоего потерпех Тя, Господи, потерпе душа моя в слово Твое,/ упова душа моя на Господа.

Злóбою обогатихся люте, и сла́дость возлюбíх,/ и сущих в житии насладихся сластей, Гóсподи,/ и огню́ геенны подсúжден бы́х:/ гладом та́юща умóм,/ я́ко Лазаря презира́ема,/ пред враты Божественных деяний повер́жена,// ущедри мя Владыко.

Ина стихира, глас тойже. Подобен: Облак Тя:

7. Стих: От стражи утренния до нощи, от стражи утренния,/ да уповае Израиль на Господа.

Шестую от честных постов седмицу, усердно начинающе,/ Господеви предпразднственное пение ваий принесем вёрнии:/ грядущему во славе, силою Божества во Иерусалим, умертвити смёрть./ Темже уготовим благочестно победныя образы,/ ветви добродетельныя,// осанна вопиюще Творцу всех.

ЗАПЕВЫ, АЩЕ ЕСТЬ «СЛАВА» СВЯТОМУ МИНЕИ:

8. Стих: Яко у Господа милость и многое у Него избавление:/ и Той избавит Израиля от всех беззаконий его.

9. Стих: Хвалите господа вси языцы,/ похвалите его вси людие.

10. Стих: Яко утвердися милость Его на нас,/ и истина Господня пребывает во век.

«Слава» святому, или «Слава, и ныне», Богородичен.

Вход. Свете тихий.

Прокимен, глас 8: Дал еси достояние: **Со стихи его: Ищи в Неделю 1 поста.**

И прочая, якоже обычно.

В НЕДЕЛЮ ВЕЧЕРА БОГОРОДИЧНЫ ОСЬМИ ГЛАСОВ

**поемья, егда есть «Слава» святому в Минее,
«И ныне» по гласу сия:**

Глас 1: Небесных чинов радование,/ и на земли человеков крепкое предста́тельство,/ Пречы́стая Де́во,/ спаси ны, иже к Тебе прибега́ющия,/ яко на Тя упование по Бо́зе,// Богородице возложихом.

Глас 2: Радуйся, Марие Богорóдице,/ храме неразруши́мый,/ паче же святы́й, якоже вопиёт проро́к:// свят Храм Твой, дивен в правде.

Глас 3: Богородице, Предстательнице всех молящихся Тебе,/ Тобою дерзаем и Тобою хвалимся,/ и к Тебе все упование наше есть,/ моли Рождшагося из Тебе// за непотребныя рабы Твоя.

Глас 4: Радуйся, Света Облаче;/ радуйся, Свещнице Свѣтлый;/ радуйся, Ручко, в нейже мánна;/ радуйся Жезле Арóнов;/ радуйся Купино Неопалимая;/ радуйся, Чертоже; радуйся, Престо́ле;/ радуйся, Горо Свята́я;/ радуйся, Прибе́жище;/ радуйся, Божественная Трапéзо;/ радуйся, Двере Та́йная;// радуйся, всех Ра́досте.

Глас 5: Страшно, и преславно, и велие та́инство,/ Невместимый во чреве вместíся/ и Ма́ти по Рождестве паки пребысть Де́ва:/ Бо́га бо роди, из Нея воплоще́на,/ Тому возопим, Тому пѣснь рцѣм,/ со а́нгелы воспева́юще:/ Свят еси, Христе Бо́же,// Иже нас ради вочеловѣчивыйся, сла́ва Тебе́.

Глас 6: Архангельски воспоим, вѣрни,/ Небесный Чертог и Дверь запечатанну вой́стину:/ радуйся, Еяже ради отрасте нам Спас, всѣх Христóс,/ Жизнодавец и Бог,/ низложи, Владычице, мучители,/ безбожныя враги на́ша/ рукою Твоею, Пречíстая,// упováние христиáн.

Глас 7: Еже радуйся, Тебе́ зовѣм/ со Ангелом, Богоневѣсто,/ черто́г, и дверь, и престол о́гненный,/ нарица́юще Тебе, и несекому́ю го́ру,// и мíру ро́ждши.

Глас 8: Арха́нгела Гаври́ила/ глас воспри́имше, рцѣм:/ радуйся, Ма́ти Бо́жия,// Яже Жизнодавца Христа миру ро́ждши.